

Bosna i Hercegovina
Federacija Bosne i Hercegovine
Unsko-sanski kanton
OPĆINA BUŽIM
OPĆINSKI NAČELNIK

Broj: 02-04-792-24/25
Bužim, dana 06.08.2025.godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku - Izvođenje radova na rekonstrukciji i modernizaciji puteva na području općine Bužim, na prijedlog Komisije za javne nabavke, Općinski načelnik općine Bužim kao rukovodilac ugovornog organa donosi:

ODLUKU
o izboru najpovoljnijeg ponuđača

Član 1.

Prihvataju se ponude ponuđača u predmetu nabavke radova: Rekonstrukcija i modernizacija puteva na području općine Bužim, po lotovima, kako slijedi:

1. Za LOT 1: Rekonstrukcija i modernizacija nekategorisanog puta Šekića do – Šekića kosa (Mehići – Šekića do), prihvata se ponuda ponuđača „KOV-GRAD“ d.o.o. Bužim, sa cijenom u iznosu od 45.066,14 KM bez PDV-a, odnosno 52.727,38 KM sa PDV-om.
2. Za LOT 2: Sanacija trase kolovoza vodovodne mreže R401b Konjodor, prihvata se ponuda ponuđača „KOV-GRAD“ d.o.o. Bužim, sa cijenom u iznosu od 25.200,00 KM bez PDV-a, odnosno 29.484,00 KM sa PDV-om.
3. Za LOT 3: Rekonstrukcija i modernizacija nekategorisanog puta Balčinovići II, prihvata se ponuda ponuđača „KOV-GRAD“ d.o.o. Bužim, sa cijenom u iznosu od 17.057,16 KM bez PDV-a, odnosno 19.956,88 KM sa PDV-om.
4. Za LOT 4: Rekonstrukcija i modernizacija nekategorisanog puta Pašin brod - Atajići, prihvata se ponuda ponuđača „KOV-GRAD“ d.o.o. Bužim, sa cijenom u iznosu od 17.093,01 KM bez PDV-a, odnosno 19.998,82 KM sa PDV-om.
5. Za LOT 5: Rekonstrukcija i modernizacija nekategorisanog puta Ravnice, prihvata se ponuda ponuđača „KOV-GRAD“ d.o.o. Bužim, sa cijenom u iznosu od 138.213,07 KM bez PDV-a, odnosno 161.709,29 KM sa PDV-om.
6. Za LOT 6: Rekonstrukcija i modernizacija nekategorisanog puta Dedići - odvojak Bag, prihvata se ponuda ponuđača „KOV-GRAD“ d.o.o. Bužim, sa cijenom u iznosu od 17.093,01 KM bez PDV-a, odnosno 19.998,82 KM sa PDV-om.
7. Za LOT 7: Rekonstrukcija i modernizacija nekategorisanog puta Džambići – Đulići, prihvata se ponuda ponuđača „KOV-GRAD“ d.o.o. Bužim, sa cijenom u iznosu od 31.600,00 KM bez PDV-a, odnosno 36.972,00 KM sa PDV-om.

Član 2.

Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije, ukoliko iste nije dostavio u sastavu ponude.

Član 3.

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-04-792/25 od 07.07.2025.godine. Javna nabavka je provedena putem otvorenog postupka Izvođenje radova na rekonstrukciji i modernizaciji puteva na području općine Bužim. Obavještenje o nabavci broj: 1119-1-3-58-3-43/25 od 07.07.2025.godine - objavljeno na portalu JN i u „Službenom glasniku BiH“, broj: 40/25 od 11.07.2025.godine

Po objavljenom obavještenju rok za prijem ponuda je bio 28.07.2025.godine do 12:00 sati. Do označenog roka za prijem ponuda na protokol Ugovornog organa blagovremeno je pristigla jedna (1) ponuda, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. Ponuđač „KOV-GRAD“ d.o.o. Bužim, dana 28.07.2025.godine u 11:00 sati;

Komisija za javne nabavke je u skladu sa tenderskom dokumentacijom dana 28.07.2025.godine u 12:20 sati izvršila javno otvaranje ponuda.

U postupku donošenja ove Odluke, posebno su cijenjene činjenice da je Komisija za JN, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je navedeni ponuđač dostavio prihvatljive ponude, prema kriteriju za dodjelu ugovora iz Tenderske dokumentacije „Najniža cijena tehnički zadovoljavajuće ponude“, za pripadajuće lotove.

Detaljno obrazloženje razloga za izbor najpovoljnijeg ponuđača, za pripadajuće lotove, navedeno je u Zapisnicima o pregledu i ocjeni ponuda koji se dostavljaju uz ovu Odluku svim ponuđačima koji su učestvovali u postupku nabavke.

Obzirom na sve prethodno navedeno, odlučeno je kao u članu 1. ove Odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema iste. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji ili preporučenom poštanskom pošiljkom u dovoljnom broju primjeraka, a koji ne može biti manji od tri.

Obrada:

Nedžad Kudelić

Dostaviti:

1. „KOV-GRAD“ d.o.o. Bužim,
2. Web stranica općine Bužim,
3. U spis.



U ime ugovornog organa
OPĆINSKI NAČELNIK

Mersudin Nanić, dipl.ing.inf.